



ISUMAQATIGIISSUT

Sulinermik Inuussutissarsiateqartut Kattuffiata (SIK)

aamma

Halibut Greenland ApS

akornanni

Nalunaaquttap-akunnermusiallit pillugit

1.juuni 2024 – 31. Maaji 2027

Imarisai

§ 1 - Isumaqatigiisummi pineqartut.	4
§ 2 - Piffissaq suliffiusoq.	4
§ 3 - Akissarsiat.	5
§ 4 - Soraarnerussutisiassanut akiliutissat taakkualu akilerneqartarnerat.	6
§ 5 - Napparsimaneq.	6
§ 6 - Qaangiuttoornerit aamma qaangiuttoornermut taarsiullugu	8
sulinggiffeqarnerit.	8
§ 7 - Suliartoqquneqarataarsinnaanermut tapisiat.	9
§ 8 - Immikkut tapit.	9
§ 9 - Sapaatini nalliuttunilu tapisiat aamma nalliuttuni ulluinnartigoortuni akissarsiat.	10
§ 10 - Piffissamut suliffimmut nikisitaartumut aamma nikittaalluni sulinermut tapisiat.	11
§ 11 - Atisat isumannaallisaatitallit il.il.	11
§ 12 - Ukiut suliffiit malillugit akissarsiat qaffaatissaat.	12
§ 13 - Nioqqutissiorneq siuarsarniarlugu akissarsialersuineq.	12
§ 14 - Suliamik unitsitsigallarneq.	14
§ 15 - Assuarlersinnaatitaaneq.	14
§ 16 - Akissarsiat tunniunneqartarnerat.	14
§ 17 - Sulinggiffeqarneq sulinggiffeqarnerisiutillu.	15
§ 18 - Aningaasaateqarfiit.	15
1. <i>Qaammarsaanermut ilinniartitaanermullu aningaasaateqarfik</i>	15
2. <i>Sulinggiffeqarnermut aningaasaateqarfik</i>	15
3. <i>Isumaginninnermut aningaasaateqarfik</i>	16
§ 19 - Toqukkut qimagaanersiutit.	16
§ 20 - Meeqqap napparsimanerani sulinggikkallarneq.	16

§ 21 - Meeqqap napparsimanerani sulingikkallarnerit allat.	17
§ 22 - Qinikkatut pisortanillu toqqakkatut suliassaqartitaaneq.	17
§ 23 - Sulingikkallarnerit immikkut ittut allat.	18
§ 24 - Aaqqiagiingissutit assigiinngitsuliorlunilu soraarsitsinerit.	19
§ 25 - Sulisut sinniisaat pillugit malittarisassat.	20
§ 26 - Naartuneq, ernineq qitornavissiartaarnerlu.	20
§ 27 - Soraarniuteqarnermi soraarsitsiniarnermilu siumut ilisimatitsivissat.	21
§ 28 - Piffissaq isumaqatigiissutip atuuffia.	22

§ 1 - Isumaqatigiisummi pineqartut.

Isumaqatigiisummi pineqarput sulisartut Halibut ApS-imi nalunaaquttap-akunnermusiaqarlutik atorfinitsinneqartut tamarmik.

Stk. 2. Sulisartutut taajorneqartut sulisut uku:

- 1) Tunisassiorfik.
- 2) Nioqqutissiorfimmi.
- 3) Qeringasuartitsivimmi.
- 4) Inuussutissalerinermi ikiortit ilinniarsimangitsut.
- 5) Eqqiaanermi.
- 6) Laboratorie-mi ikiortit ilinniarsimangitsut.
- 7) Lærlingit aamma ilinniartut.
- 8) Inersimasut ilinniartut.

Imm. 3. Ilinniartut praktikkerneranni Naalakkersuisut, Medarbejder- og Kompetencestyrelsen-ip aamma Sulinermik Inuussutissarsiuteqartut Kattuffiata akornanni ilinniartut pillugit isumaqatigiisutaat sukulluunniit atuuttoq malinneqassaaq.

Imm. 4. Inersimasut ilinniartut praktikkerneranni isumaqatigiisummi matumani sulisartut ilinniar-simangitsut pillugit malittarisassat atorneqassapput.

Imm. 5. Isumaqatigiisut una tunngavigalugu atorfinitsitsinermi, atorfeqarnermut isumaqati-giisuttip assinga SIK-p mail-ianut: TR_SIK@sik.gl nassiunneqassaaq.

§ 2 - Piffissaq suliffiusoq.

Nalinginnaasumik piffissaq suliffiuvoq ulluni arfineq marlunni, nalunaaquttap akunnerinik 40-nik si-visussuseqarpoq, ataasinngornermiit sapaat ilanngullugu naatsorsorneqartartoq, allamik isumaqati-giisuteqartoqarsimatinnagu piffissaq suliffiusoq: sapaatip akunnerata ulluini siullerni arfinilinni inissinneqartassaaq, nal. 06.00-imit nal. 17.00-imut aammalu, sapaatip akunnerani tulliuttumi nioq-qutissiornerup aallartinneranut atatillugu sulinermi, sapaammi nal. 07.00-imit 17.00-imut,

tulaassuineramik suliaqartunut atuuttoq. Sapaatip akunnerani ulluni arfineq marlunni nalinginnaasumik ullut marluk sulisartunut ataasiakkaanut sulinngiffiupput.

Imm. 2. Piffissaq ullormut suliffiusartussa q sulisitsisumit aaliangersarneqartassaaq sulisartunik taakkualu sinniisaannik oqaloqatiginnereernikkut suliffimmut iluaqutaasussa eqqarsaatigalugu.

Imm. 3. Unioqutitsilluni suliartunngitsoornermi akissarsianik ilanngaasoqartassaaq.

Imm. 4. Unillatsiarnerit 2 x 15 minutsinik sivilissuseqarput.

§ 3 - Akissarsiat.

Nioqutissiornermi sulisut nalunaquttap akunnermusiallit:

	1.juuni 2024	1.juuni 2025	1.juuni 2026
	Nal. akunneranut Kr.-it.	Nal. akunneranut Kr.-it.	Nal. akunneranut Kr.-it.
18-inik ukioqalereersimasut	113,25	115,50	119,50
18-inik ukioqalersimanngitsut	73,25	75,50	79,50

Imm. 2. Suleqatigiit siulersortaat nal. akunnermusiallit:

	1.juuni 2024	1.juuni 2025	1.juuni 2026
	Nal. akunneranut Kr.-it.	Nal. akunneranut Kr.-it.	Nal. akunneranut Kr.-it.
18-inik ukioqalereersimasut	123,25	125,50	129,50
18-inik ukioqalersimanngitsut	78,25	80,50	84,50

Imm. 3. Tamatuma saniatigut sulisut piffissaq akissarsiaqarfiusoq tamakkerlugu qanorluunniit unioq-qutitsillutik suliarunngitsoorsimangitsut suliarortuaannarnertik pillugu bonusisinnegartarnissaat isumaqatigiissutigineqarsinnaavoq. Unioqqutitsilluni suliarunngitsoornermi akissarsianik ilanngaasoqartassaaq bonusiassatullu tassani akissarsiffissami pinngitsoorneqassallutik.

§ 4 - Soraarnerussutisiassanut akiliutissat taakkualu akilerneqartarnerat.

Isumaqatigiissut manna malillugu sulisut soraarnerussutisiaqalernissamik aqqissuussinnermut 1. januaari 1994-imi pilersinneqartumut allatigullu SIK-mit atorneqartumut ilaapput.

Soraarnerussutisiassanut akiliutit naatsorsorneqassapput akissarsianit tamarmiusunit, tassa bonusit / akkordernersiutillu, tapisiaajunnartut ilanngullugit:

1.apriili 2024-mit

Sulisitsisup akiliutaa: 7,3 %-i

Sulisup akiliutaa: 3,6 %-i

Katillugit: 10,9 %-i

Imm. 2. Soraarnerussutisiassat qaammammoortumik ataasiarluni SISA-mut akiliutigineqartassapput. Akiligassanngortinneqarnerisa kingornatigut ulloq piffissaq eqqorlugu akiliiffiususaaq kingulleq tassaa-voq qaammatip ulluisa qulingat.

§ 5 - Napparsimaneq.

Sulisoq napparsimanini pissutigalugu suliaminik ingerlatsisinnaajunnaarpat tamanna pissuteqavilluni sulinnginnertut naatsorsuunneqassaaq. Pissuteqavillunili sulinnginnertut naatsorsuunneqarsinnaanngilaq sulisoq sulitilluni piaaraluni imaluunniit mianersuaalliorujussuarnermi kingunerisaanik sulisinnaajunnaarpat sulilernerminiluunniit peqquserlunnikkut nappaateqarnini nipangiussimappagu.

Imm. 2. Sulisoq kingusinnerpaamik sulinerup aallartinnerani Halibutimut napparsimanini nalunaarutigisassavaa. Suliffeqarfiup iluani isumaqatigiissutigineqassaaq qanoq akulikitsigisumik napparsimaneq nalunaarutigineqartassanersoq, nakorsamit allagartamik peqanngikkaanni allaqqasumik qanoq sivilutigisumik uninngasoqassanersoq. Nakorsamit uppersaatinut aningaasartuutit suli-sitsisumit akilerneqassapput.

Imm. 3. Sulisut nalunaaquttap akunnermusiallit piffissaq tamaat sulisut SIK-mullu ilaasortaasut napparsimanerminni ullormusiaqartinneqassapput.

Imm. 4. Ullormusiaqartitsisoqassaaq ulloq sulisinnaangiffik siulleq aallarnerfigalugu. Ullut sulisup suliffigisassaataut pilersarusiorneqarsimasut ullormusiaqartitsiffiussapput. Ullormusiaqartitsisoqarsinnaavoq sivilunerpaamik sapaatip akunnerini 26-ni qaammatit tulleriiginnaat 12-it iluanni. Sulisinnaanginnerli sulinerup nalaani ajutoornermik pissuteqarpat ullormusiaqartitseqqittoqarsinnaavoq suli sapaatip akunnerini 13-ini.

Imm. 5. Ullormusiaqartitsineq unissaaq ullormi sulisup sulisinnaaleqqiffiani, sulisoq ingerlaannaq sulilinnikkaluarpalluunniit, aammalu sulisoq peqqissinerminik nalunaaruteqanngikkaluarpalluunniit. Ullormusiaqartitsinerli nangissaaq sulisup sulisinnaaleqqikkaluarluni suliffimmi najugaqarfia qimallugu napparsimanermini katsorsartereerluni aqqutissaaq pilertornerpaaq atorlugu suliffimminut uternissaata tungaanut.

Imm. 6. Napparsimanerup nalaani soraarsitaanermi ulloq suliunnaarfissaaq tikillugu ullormusiaqarti-taasinnaaneq atuutissaaq.

Imm. 7. Ullormusiat kr. 125,00-iupput, piffissamilu akissarsiorfimmi akissarsianut ilanngullugit SIK-mut ilaasortaasunut tunniunneqartassallutik.

Imm. 8. Atornerluisoqarpat aqqissuussinerit pineqartut sulisunut ataasiakkaanut tunngatillugit atorunnaarsinneqarsinnaapput.

§ 6 - Qaangiuttoornerit aamma qaangiuttoornermut taarsiullugu sulinngiffeqarnerit.

Qaangiuttoorneq sapinngisamik pinngitsoorniarneqassaaq. Piffissap nalinginnaasumik suliffiusup, tak. § 2, imm. 1, saniatigut sulilluni qaangiuttoornerusussatut naalakkiutigineqartumik nakkutigineqartumillu sulilluni qaangiuttoornertut suliffiusumut nalunaaquttap akunnermusiamut imaluunniit bonusimut/akkordimut tapisiaq naatsorsorneqartassaaq. Tapisiaq nalunaaquttap akunnerinut tamanut § 3 tunngavigalugu nalunaaquttap-akunnermusiap 50%-erissavaa.

Imm. 2. Qaangiuttoornerisiaqarnermut taarsiullugu sulinnngiffeqartoqarsinnaavoq sulisartup sulisitsisululu isumaqatigiinneratigut. Qaangiuttoorsiaqarnissaraluamut taarsiullugu sulinnngiffigineqassapput nalunaaquttap akunneri qaangiuttoorfiusut amerlaqataat 50%-inik ilallugit. Qaangiuttoornerisiaqarnermut taarsiullugit sulinnngiffigisassat katersorneqassapput nalunaaquttap akunnerisa qaangiuttoorfiusut affaasa aallartinneri tamaasa. Suliffeqarfiup iluani isumaqatigiittoqarsinnaavoq qaangiuttoornerit katersorneqarnissaat pillugit.

Imm. 3. Sulinermut piffissamit akissarsiaqarfiusumit sivikinnerusimasumut piffissaq suliffiusoq nalinginnaasoq naatsorsorneqassaaq, §2 imm. 1 naapertorlugu, ullut suliffiusut nalinginnaasut nalunaaquttap akunnerinik arfineq pingasunnik gangerlugit.

Imm. 4. Sulilluni qaangiuttoornissaq suliffiup nalinginnaasup naanissaa nalunaaquttap akunnerinik sisamanik sioqqullugu nalunaarutigineqartassaaq. Sioqqutsilluni nalunaaruteqartoqarsimangipat sulilluni qaangiuttoornermik nalunaaquttap akunneranik ataatsimik sulilluni qaangiuttoornerpiaat saniatigut akissarsititsisoqassaaq.

Imm. 5. Sulilluni qaangiuttoornernut ullup suliffiusup nalinginnaasup suliffissatut ileqquusumik sivi-sussusia ikinnerpaamik nalunaaquttap akunnerinik sisamanik sinnerlugu sivi-sussuseqartunut, sulilluni qaangiuttoornerpiaat qaavatigut qaangiuttoornermik nalunaaquttap akunneranik ataatsimik akissarsititsisoqassaaq.

Imm. 6. Sulisoq piffissap suliffiusup nalinginnaasup avataatigut suliartoqquneqarpat – sumiiffiup suliffigisap qimanneqareerneratigut imaluunniit ulluni suliffiusussaangikkaluartuni – ikinnerpaamik nalunaaquttap akunnerinut sisamanut akissarsisitsisoqassaaq.

§ 7 - Suliartoqquneqarataarsinnaanermut tapisiat.

Sulisartunut aqunneqarsinnaanngitsumik imaluunniit aqukkuminaatsumik qaangiuttoortartunut ukununga taarsiullugu suliartoqquneqaratarsinnaanermut tapisisitsisoqarsinnaavoq:

1. Qaangiuttoornersiutinut § 6-imi taaneqartunut,
2. Sapaatini nalliuttunilu sulinermi akissarsianut § 9-mi taaneqartunut, aammalu
3. Piffissani nikisitaartuni sulinermi tapisianut § 10-mi taaneqartunut.

Suliartoqquneratarsinnaanermut tapisiap angissusissaa sulisut sinniisaat isumaqatigalugu aaliangerneqassaaq.

§ 8 - Immikkut tapit.

Sulisitsisoq immikkut ittunik tapisisitsisinnaavoq. Pissutsini immikkut ittuni aammalu sulisitsisup sulisullu sinniisuata isumaqatigiinniarnersigut sulisoq inummut namminermt tunngasumik tapisiaqartinneqarsinnaavoq.

Imm 2. Atorfimmi qaffasinnerusumi suligallarneq.

Sulisoq isumaqatigiissut manna naapertorlugu qaffasinnerusumi suligallassappat kiisalu minnerpaamik ulluni ataannartuni 15-ini sulippat, piffissami pineqartumi tapisiaqartinneqassaaq. Tapisiat soraarnerussutisiaqaataasinnaanngillat.

Tapisiat naatsorsorneqassapput sulisup atorfimmi taartaaffimmini sulinermi nalaani akissarsiat tapisiallu ilanngullugit aamma nammineq sulinermi assigiinngissutaat naapertorlugit.

§ 9 - Sapaatini nalliuttunilu tapisiat aamma nalliuttuni ulluinnartigoortuni akissarsiat.

Sapaatini nalliuttunilu sulinermi nalunaaquttap akunnermusiaq tapeqartinneqassaaq. Tapisiaq § 3 - akissarsiat naapertorlugu nalunaaquttap akunneranut akissarsiap 50 %-erissavaa. Qaangiuttoorne- ruppap § 5 imm. 1 naapertorlugu qaangiuttoornermut tapisitsisoqassaaq imaluunniit qaangiuttoor- nersianut taarsiullugu sulinggifteqartoqassalluni § 5 imm. 2 naapertorlugu.

Imm. 2. Nalliuttuni ulluinnartigoortuni akissarsititsisoqassaaq:

	Ullormut Kr.-it
Nalliuttuni ulluinnartigoortuni, ullormut ilivitsumut	300,00 kr.-it.
Nalliuttuni ulluinnartigoortuni, ullup affaanut	150,00 kr.-it.

Imm. 3. Nalliuttumi ulluinnartigoortumi sulinermi akissarsititsisoqassaaq imm. 2 malillugu, isu- maqatigiissutit naapertorlugit akissarsiat nalinginnaasut saniatigut.

Imm. 4. Ullut nalliuttutut naatsorsuutigineqartut tassaapput:

- a) Kunngit pingasut ulluat 6. januaari (nal. 12-imit),
- b) Sulisartut nunani tamalaani ulluat 1. maaji (ulloq tamaat),
- c) Inuiattut ullorsiorfik, 21. juuni,
- d) Juulliarag, 24. decembari,
- e) Juullip ullua, 25. decembari,
- f) Juullip aappaa, 26. decembari,
- g) Ukiutoqag, 31. Decembari,
- h) Ukiortaaq, 1. Januaari,
- i) Sisamangorneq illernartoq,
- j) Tallimangorneq tannaartoq,
- k) Poorski,
- l) Piinsip ullua aamma piinsip aappaa,

- m) Qilaliarfik,
- n) Tussiarfissuaq.

§ 10 - Piffissamut suliffimmut nikisitaartumut aamma nikittaalluni sulinermut tapisiat.

Piffissaq suliffiususaaq piffissat § 2, imm. 1-imi taaneqartut avataannut inissinneqarpata, imaluunniit suleqatigiikkuutaarluni nikittaalluni sulisoqarpat makkuninnga tapisiaqartitsisoqassaaq:

	Nal.	Nal. akunneranut Kr.-it
Piffissami	17.00 aamma 01.00	5,00
Piffissami	01.00 aamma 06.00	15,00
Sapaammi piffissami	17.00 aamma 24.00	15,00

Imm. 2. Qaangiuttoorneq piffissami nikisitaartumi nikittaalluni sulinermi pigaangat qaangiuttoornerisiantut taarsiullugu sulinngiffeqartitsisoqassaaq § 6 imm. 2 tunngavigalugu, imaluunniit qaangiuttoornerisiantut § 6 imm. 1 tunngavigalugu, imm. 1-imi tapisiantut taarsiullugu.

Imm. 3. Qaangiuttoorneq nikittaalluni sulinermi nikinnerit aappaannut pingajuannullu pigaangat imm. 1 tunngavigalugu nikittaannermi tapisiasat kingullit aamma § 6 imm. 2 tunngavigalugu qaangiuttoornerisiantut taarsiullugu sulinngiffeqartitsinerit malillugit pineqassapput, imaluunniit § 6, imm. 1 tunngavigalugu qaangiuttoornermut tapisisitsisoqassalluni.

§ 11 - Atisat isumannaallisaatitallit il.il.

Isumannaatsuunissaq peqqinnissarlu pillugit atortussat atorneqartariaqartut sulisitsisup sulisunut akeqanngitsumik atugassanngortissavai.

§ 12 - Ukiut suliffiit malillugit akissarsiat qaffaatissaat.

Nalunaquttap akunnermusianut, taamattaarlu bonusisianut, ilanngunneqassapput ukiut suliffiit malillugit akissarsiat qaffaatissaattut tapisiassat imaattut:

	Nal. akunneranut Kr.-it
Sulisartuq suliffimmi ataannartumik Ukioq ataaseq sulisimappat	4,00
Ukiut tallimat sulereersimappat	7,00
Ukiut arfineq pingasut sulereersimappat	10,00

Imm. 2. Ukiut suliffiit malillugit akissarsiat qaffaatissaattut tapisiat tunniunneqartassapput Halibutimi sulisimaneq tunngavigalugu. Sulisartup sulisitsisullu isumaqatigiissuteqarneratigut suliffimmit suliffimmut allamut toqqaannartumik nuuttut ukiut suliffiit malillugit qaffaatissatut tapisiassarilersimasatik tigummiinnassavaat.

Imm. 3. Sulitsisumi taannaasumi ataannartumik sulisimagaanni sulinngiffeqarnikkut, napparsimanikkut, erninikkut qitornavissartaarnikkullu kiisalu qinikkatut pisortanillu toqqakkatut suliassaqartitaanikkut sulinngikkaluarluni ukiut suliffiit malillugit akissarsiat qaffaatissaat katersorneqassapput.

Imm. 4. Sulisunik nutaanik atorfinitsitsinermi aamma atorfinitsitseqqinnerni imm. 2 naapertorlugu sulisitsisup sulisullu isumaqatigiissutigisimanngisaanni inissinneqarneq tamatigut trin siullermiittassaaq, kisianni takuuk imm. 1 litra a).

§ 13 - Nioqqutissiorneq siuarsarniarlugu akissarsialersuineq.

Illuatungeriit isumaqatigiissutigaaq nioqqutissiorneq siuarsarniarlugu akissarsialersuerialersuineq sapinnigisamik annerpaamik atuisoqassasoq, pingaartumik bonusisitsisarneq akkordertitsisarnerlu eqqarsaa-

tigalugit. Bonusit/akkordertitsisarneq pillugit isumaqatigiissutini ataasiakkaani tamani isumaqatigiissutigineqartassaaq pissutsit immikkut ittut suut aaqqissuussinermi atuutissanersut.

Imm. 2. Bonusisitsisarneq akissarsissutissanik imaattunik katitigaassaaq:

- a) Akissarsiassaq aalajangersimasoq nalunaaquttap akunneranut.
- b) Akissarsiassaq allanngorartooq (bonusit tapisiaq) nioqutissiornerulernermi nalunaaquttap akunneranut atorneqartumut.

Imm. 3. Bonusiassat piffissami akissarsiffiusumi tunniunneqartassapput.

Imm. 4. Bonusinik aaqqissuussinerni aamma ataatsimoorluni akkordernerni, allamik isumaqatigiissuteqartoqarsimangippat, bonusiassat akkordernersiassallu agguataarneqassapput nalunaaquttap akunneri peqataasut ataasiakkaat suliffigisimasaat tunngavigalugit.

Imm. 5. Bonus/akkorderluni suliaqarnermi piunasaavoq suliap ajunngitsumik naammassineqarnissaa aammalu sakkut nalinginnaasut saniatigut atortussat sakkussallu pisariaqartut piareersimanissaat. Utaqqineq, atortussanik sakkusanillu assartuinerit kiisalu sulinerup nalaani akornutissat naatsorsuutigineqanngitsut kingunerisaannik kinguartooneq sulisartut ataasiakkaat nalunaaquttap akunnermusiaanik nalinginnaasunik akilerneqassapput. Bonus/akkorderluni sulineq sulinerup nalaani sulisitsisup piunasaqarneratigut allanngortinneqarpat sulisartooq nalunaaquttap akunnermusiassaminik kiisalu sulinerup allanngortinneqarnerata kingunerisaannik sivitsortoornermut tapisiasaminik pisassaartitaavoq.

Imm. 6. Teknikkikkut atortorissaarutit nutaat allalluunniit naatsorsuinerumut tunngavissanik allanngortisippata illuatungeriit pisinnaatitaapput bonus/akkorderluni suliaqarnerumut isumaqatigiissutit isumaqatigiinniutigineqaaqqinnissaannik piunasaqarnissaminnut. Isumaqatigiittoqarsinnaanngippat isumaqatigiissut qaammatip ataatsip qaangiunnerani atorunnaartussanngorlugu nalunaarutigineqarsinnaavoq. Isumaqatigiissut atorunnaarpat suliassat pineqartut isumaqatigiissutit nalinginnaasut naapertorlugit nalunaaquttap akunnermusiaqarluni suliassatut akissarsiaqaatigineqalissapput.

Imm. 7. Misiligutaasunik nioqutissiornerni atugassarititaasussanik allanik, aamma akissarsianik aaliangersaasarneq pillugu isumaqatigiissuteqartoqarsinnaavoq isumaqatigiissutinit atuuttunit allaanerusunik.

§ 14 - Suliamik unitsitsigallarneq.

Sulisartuq sulinermi nalaani sila pissutigalugu unitsinneqartoq, allamillu suliassinneqarsinnaanngitsoq, minnerpaamik ullormut nalinginnaasumik sulinermit akissarsiaqartinneqassaaq, angerlartitaanera piffissap suliffiusup pisarnertut aallartinnerani pigaluarpalluunniit.

Imm. 2. Sulisartut, piffissap suliffiusup nalinginnaasup aallartinnerani suliaruqqusaasimagaluartut, maskiinarliulernerulli kingorna nioqqutissiassaaleqilerneq pissutigalugu angerlartinneqartut, sulinivittulli akissarsitinneqassapput, minnerpaamilli nalunaaquttap akunnerinut sisamanut.

§ 15 - Assuarlersinnaatitaaneq.

SIK assuarlersinnaatitaavoq isumaqaruni sulisartut ulluinnarni piffissap suliffiusussap inissisimanisaa aamma arfininngornermi sulinngiffeqartarnissamik aaqqissuussinerit pillugit kissaatigisimasaat suliffeqarfimmut iluaqutaasussanut akornutaanngitsumik pinissaannik naammattumik tunngavilersorneqarsimanngitsut.

Imm. 2. Nalornissutigineqalerpat sulisoq tapisianik §§ 5-imit 13-imut taaneqartunik tapisiaqartinneqarsinnaanersoq, sulisullu sinniisuat aqqutigalugu tamanna pillugu saaffiginnissutit naammaginnartumik angusaqarfiunngippata, suliassaq SIK-p aamma Sulisitsisut (GE) akornanni Isumaqatigiisummi tunngaviusumi malittarisassat naapertorlugit sularineqassaaq.

§ 16 - Akissarsiat tunniunneqartarnerat.

Piffissaq akissarsiaqarfiusoq ullunik 14-inik sivilissuseqarpoq, naatsorsorneqartassalluni atasinngornermit sapaatip akunnerata tulliani sapaammut.

Imm. 2. Sulisartup Kalaallit Nunaanni imaluunniit Danmarkimi aningaaserivimmi konto akissarsianik nakkartitsiviusinnaasoq nalunaarutigissavaa. Akissarsiassat tiguneqarsinnaalissapput piffissap akissarsiaqarfiup naanerata kingornatigut tallimanngornermi.

Imm. 3. Ulloq nalinginnaasumik akissarsiffissaq nalliuttuusimappat ulluinnarmi nalliuttup siuliani akissarsisitsineqassaaq.

§ 17 - Sulinggiffeqarneq sulinggiffeqarnerisutillu.

Sulisoq Sulinggiffeqarneq pillugu Inatsisartut inatsisaat nr. 10, 12. novembari 2001-imeersumi malittarisassat tunngavigalugit ukiumoortumik sulinggiffeqarnissaminut pisinnaatitaaffeqarpoq. Inatsisartut inatsisaanni § 2 naapertorlugu malittarisassat matuma kingulianiittut isumaqatigiissutaapput.

Imm. 2. Sulisartuq akissarsiarisimasami 12,5 %-iinik sulinggiffeqarnerisutigisinnaasaminik katersissaaq.

Imm. 3. Sulinggiffeqarnerisutininik pisassanik piunasaqarneq sulisitsisumut saqqummiunneqassaaq kingusinnerpaamik ukiup sulinggiffeqarfiup naaneraniit qaammatit pingasut (3) qaangiutsinnagit. Taamaattoqarsimanngippat aningaasat SIK-p Sulinggiffeqarnermut Aningaasaateqarfianut ingerlatinneqassapput.

§ 18 - Aningaasaateqarfiit.

- 1. Qaammarsaanermut ilinniartitaanermullu aningaasaateqarfik**
Qaammarsaanermut ilinniartitaanermullu aningaasaateqarfik nalunaaquttap akunneranut suliffiusumut ataatsimut 0,25 kr.-imik.
- 2. Sulinggiffeqarnermut aningaasaateqarfik**
Sulinggiffeqarnermut aningaasaateqarfik nalunaaquttap akunneranut suliffiusumut ataatsimut 0,85 kr.-imik.

3. Isumaginninnermut aningaasaateqarfik

Isumaginninnermut aningaasaateqarfik nalunaaquttap akunneranut suliffiusumut ataatsimut 0,45 kr.-imik.

§ 19 - Toqukkut qimagaanersiutit.

Sulisartog atorfeqarnermi nalaani toquppat aappaanut katissimasaanut imaluunniit qitornaanut 18-it inorlugit ukiulinnut qimagaasunut toqusup pilersugassarisimasaanut qimagaanersiutit uku tunniunneqassapput:

Suliffimmi ataatsimi sulisimagaanni:

Sulisimaneq	Toqukkut qimagaanersiutit
Ukioq ataaseq	Sap. ak. 4-ani akissarsiassat
Ukiut marlut	Sap. ak. 8-ani akissarsiassat
Ukiut tallimat sivisunerusumilluunniit	Sap. ak. 12-ni akissarsiassat

§ 20 - Meeqqap napparsimanerani sulinngikkallarneq.

Sulisoq piffissaq tamakkerlugu imaluunniit piffissap ilaannaani akissarsiaminik annaasaqarnani sulinngikkallarsinnaatitaavoq meeqqap ukiukitsup napparsimanerani ullormi siullermi paarsinissaminut.

Ulloq meeqqap napparsimaffia siulleq ima paasineqassaaq ulloq suliffiusoq ilivisoq siulleq meeqqap napparsimanera pillugu sulinngitsoorfiusariaqartoq. Meeqqap ukiukitsup napparsimalerana pillugu piffissaq suliffiusoq aallartereersoq sulisoq aggeqquneqarpat tamanna ullortut meeqqap napparsimaffiatut siullertut naatsorsuunneqassanngilaq, kisianni pissuteqarluni sulinnginnertut akissarsianik annaasaqaataasussaangitsutut.

Imm. 2. Sulinngikkallarsinnaatitaanermi piumasaqaataavoq:

d) Meeraq annerpaamik 15-inik ukioqarpoq.

Imm. 3. Meeqqap napparsimanerani ullormi siullermi sulinningneq napparsimanernik allattuiffimmi ilisimatitsissutigineqassaaq.

Imm. 4. Atornerluinermi aaqqissuussineq sulisunut ataasiakkaanut atortussaajunnaarsinneqarsinnaavoq.

Imm. 5. Akissarsianik annaasaqaataanngitsumik sulinngikkallarnermi nalunaaquttap akunneranut akissarsiaqartitsisoqassaaq ullormi pineqartumi akissarsiat nalinginnaasut aallaavigalugit, tapisiallu aalajangersimasut ilanngullugit.

§ 21 - Meeqqap napparsimanerani sulinngikkallarnerit allat.

Meeqqap 0-imit 16-it angullugit ukiullip illoqarfimmi napparsimavimmi imaluunniit angerlarsimaffimmi imaluunniit illoqarfimmi allami unittariaqalernerani periarfissinneqassaaq ullut aqqaneq marlut tikillugit akissarsiaminik annaasaqarani sulinngikkallarnissaminut, meeqqap napparsimmavimmut unitsitaanerani Peqqinnissaqarfiup akiligaanik angalanermi ingiallortitut.

Imm. 2. Meeqqap napparsimavimmut unitsitaanera angajoqqaallu unitsitaaqataanerat ingiallortitullu angalaqataanerat uppersarneqassapput.

Imm. 3. Immikkut illuinnartumik pissutissaqartillugu nakorsamillu uppersarneqarpat sulinngikkallarnek sivitsorneqarsinnaavoq ullut tallimat tikillugit.

§ 22 - Qinikkatut pisortanillu toqqakkatut suliassaqartitaaneq.

Isumaqatigiissut manna tunngavigalugu sulisut pisariaqartitsineq tunngavigalugu akissarsiaqarnatik sulinngikkallarsinnaatitaapput makkuninnga suliaqarnissaq siunertaralugu:

- a) Inatsisartunut ilaasortaaneq,

- b) kommunalbestyrelsimut ilaasortaaneq,
- c) ilagiit sinniisuinut ilaasortaaneq,
- d) atuarfiit siulersuisuinut imaluunniit sunngiffimmi ataatsimiititaliamut ilaasortaaneq,
- e) kredsdommeriuneq,
- f) eqqartuusseqataasartuuneq,
- g) eqqartuussivimmi illersuisuuneq,
- h) pisortanit suliasaqartitaanerit allat pisortanit suliakkiutigineqartut SIK-p Peqatigiiffiini siulersuisuni ilaasortanut imaluunniit SIK-p siulersuisuunerini ilaasortanut aamma SIK-p Inuusuttaasa siulersuisuinut.

Imm. 2. Imm. 1 tunngavigalugu suliffigisamit qimagussimaneq piffissami nalinginnaasumik suliffiussusaagaluartumi qaangiuttoornerisqarfissaq sioqqullugu pisoq sumiginnaanertut isigineqassanngilaq. Suliffimmit qimagussimanissaq sapinngisamik sioqqutsilluarluni sulisitsisumut nalunaarutigineqartassaaq.

§ 23 - Sulingikkallernerit immikkut ittut allat.

Sulisut ilaqtumik qanigisamik perulullutik napparsimaneranni, toquneranni aamma ilisaanerannilu akiliunneqarlutik angalasinnaatitaapput nalinginnaasumillu akissarsiatik pigiinnarlugit sulingikkallarsinnaatitaallutik malittarisassat matuma kinguliiniittut naapertorlugit:

Sulisunut qinnuteqaateqareernikkut ilaqtat qanigisat perulullutik napparsimaneranni, toquneranni aamma ilisaanerannilu ilisaaneranni akissarsiatik nalinginnaasut pigiinnarlugit sulingikkallarsinnaatitaapput ulluni suliffiusuni arfineq pingasuni. Taamatuttaaq angalanermut akiliussisoqassaaq ilaqtat qanigisat perulullutik napparsimaneranni, toquneranni aamma ilisaaneranni, Kalaallit Nunaanni illoqarfimmi nunaqarfimmiluunniit allami imaluunniit Danmarkimi pissusaappat. Sulingikkallarnernut siuliini taaneqartunut nalinginnaasumik angalanerup sivissusia ilanngunneqartassaaq.

Imm. 2. Sulingikkallarnissamik aamma akiliunneqarluni angalanissamik qinnuteqaat allaganngorlugu sulisitsisumut tunniunneqassaaq.

Imm. 3. Ilaquttat qanigisat tassaapput: angajoqqaat, aappat katissimasat taamatulluunniit naatsorsuussat, qitornat qatanngutillu, kisianni aapparisaq katissimasap taamatulluunniit naatsorsuussap ilaqutai pinnagit.

Imm. 4. SIK-p siulersuisuunerinut aamma SIK-p Inuusuttaasa siulersuisuunerinut ilaasortat SIK-p siulersuisuunerisa ataatsimiinnerinut peqataanerminnut atatillugu akissarsiaqarlutik sulinggissinnaatitaapput amerlanerpaamik ukiumut sisamariarlutik. Sulingikkallarnerup nalaani akissarsiaqartitsisoqassaaq pineqartup nalinginnaasumik nalunaaquttap akunneri suliffigisagai nalinginnaasumillu nalunaaquttap akunneranut akissarsiarisartagai tunngavigalugit, tapisiat aalajangersimasut ilanngullugit.

Imm. 5. SIK-p Peqatigiiffiini siulersuisunut aamma SIK-p siulersuisuunerinut SIK-p Inuusuttaasalu siulersuisuunerinut ilaasortat akissarsiaqarnatik sulingikkallarnissartik kissaatigippassuk tamanna akuerineqartariaqarpoq. Taamatut sulingikkallartitsisoqarsinnaavoq ukiut ataasiakkaarlugit .

§ 24 - Aaqqiagiinngissutit assigiinngitsuliorlunilu soraarsitsinerit.

Aaqqiagiinngissutit Sulisitsisut (GE) aamma Sulinermik Inuusutissarsiateqartut Kattuffiata (SIK) tunngaviusumik isumaqatigiissutaanni malittarisassat atuuttut naapertorlugit suliarineqartassapput.

Imm. 2. Inuit ataasiakkaat soraarsinneqarsinnaanerannut pisinnaatitaaffimmik atuinermi assigiinngitsuliorloqassanngilaq. Tamanna pillugu aaqqiagiinngissutit tunngaviusumik isumaqatigiissummi qulaani taaneqartumi malittarisassat naapertorlugit suliarineqartassapput.

§ 25 - Sulisut sinniisaat pillugit malittarisassat.

Isumaqatigiissut manna malillugu sulisuusut sulisut sinniisaat pillugit GE-p aamma Sulinermik Inuussutissarsiuteqartut Kattuffiata (SIK) isumaqatigiissutaannut qaqugukkulluunniit atuuttumut ilaapput.

§ 26 - Naartuneq, ernineq qitornavissiarternu.

Suliassaqarfimmi inatsisit sukkulluunniit atuuttut naapertorlugit sulisoq naartunermi, erninermi meeravissiarternuulugu sulingiffeqartussaataavoq.

Imm. 2. Sulisoq naartunermi, erninermi meeravissiarternuulugu Inatsisartut inatsisaat nr. 5, 19. november 2020-meersoq naapertorlugu sulingiffeqarsinnaatitaanermut ullormusiaqarsinnaatitaanermullu pisinnaatitaaffeqaruni sulinginnissaminut aningaasarsiarisani aningaa-sarsiaralugit sulingiffeqarsinnaavoq.

Takussutissiaq una meeqqamik ataatsimik naartunermi erninermilu akis-sarsiaqarluni sulingiffeqarsinnaatitaanernik takutitsisuuvoq***:

Anaanaasoq	Ataataasoq/anaanaaqataasoq
Erninissaq sapaatit akunnerinik sisamanik sioqqullugu (naartunermi sulingiffeqarneq)	
Erninerup kingorna sapaatit akunneri 15-it (erninermut atatillugu sulingiffeqarneq)	Erninerup kingorna sapaatit akunneri pingasut (ataataasutut sulingiffeqarneq)*
Angajoqqaatut sapaatit akunnerini 21-ni sulingiffeqarneq**	Angajoqqaatut sapaatit akunnerini 21-ni sulingiffeqarneq**

* Ataataasoq meeqqap inunngorneraniit sapaatit akunnerini siullerni 15-ini ataataasutut

sulinngiffeqassaaq meerartaarneq.

****** Angajoqqaatut sulinngiffeqarneq angajoqqaat akornanni agguarneqarsinnaavoq angajoqqaalli marluullutik ataatsikkoorlutik angajoqqaatut sulinngiffeqarsinnaanngillat.

******* Marlulinermi imaluunniit amerlanerusunik ataatsikkut meerartaarnermi anaanaasup sulinngiffeqarfia sapaatit akunnerinit 15-init sapaatit akunnerinit 19-inut sivitsorneqassaaq angajoqqaatullu sulinngiffeqarneq sapaatit akunnerinit 21-init 25 -nut sivitsorneqarluni.

§ 27 - Soraarniuteqarnermi soraarsitsiniarnermilu siumut ilisimatitsivissat.

Atorfeqarnermi qaammammi siullermi sulisitsisoq sulisartorluunniit pisussaatitaanngillat atorfeqarnermik unitsitsinissamut tunngatillugu siumut ilisimatitsereernissamut.

Imm. 2. Nioqqutissiornermi sulisunut atuupput soraarsitsinissamik/soraarnissamik siumut ilisimatitsereernissamut piffissaritit uku:

	Sulisitsisumit	Sulisumit
ukiuni siullermi (qaammat siulleq pinnagu)	Sap. akun. marlut	Ullut pingasut
ukiuni marlunni / pingasuni / sisamani / tallimanilu	Sap. akun. sisamat	Sap.akun. marlut
Kingornatigut	Sap. akun arfinillit	Sap. akun. pingasut

Imm. 3. Soraarniuteqarnermut / soraarsitsinermut siumoortumik nalunaaruteqarnissamut piffissarititaasut imm. 2-miittut sulisunut suliffeqarfimmi ataatsimi kipisaqattaanngitsumik suliffeqarsimasunut atuupput. Pissutsilli makku kipititsisutut naatsorsuunneqanngillat:

- a) napparsimaneq erngerluni kingusinnerpaamillu nalunaaquttap akunnerisa 24-t qaangiutinnginneranni suliffimmut nalunaarutigineqartoq,
- b) naartuneq, ernineq qitornavissiartaarnerlu pillugit Inatsisartut inatsisaat naapertorlugu

qimagussimaneq,

- c) suliamik unitsitsineq maskiinat uninnerannik, atortussanik amigaateqalernermik, nioqqutissiassanik amigaateqalernermik assingusunilluunniit pissuteqartoq, sulisoq neqer-oorfigineqarluni suleqqilersimappat.

Imm. 4. Soraarsitsinissamut siumoortumik nalunaaruteqarnissaq atorunnaassaaq sulisup paarsinerlunneratigut imaluunniit suliamik unitsitsineq, atortussanik amigaateqalernerq pisullu allat sunniuteqarfigisinnaangisatut isigineqartut (force majeure) pissutigalugit suliunnaarnikkut ingerlatsineq tamakkiisumik ilaannakortumilluunniit unippat.

Imm. 5. Sulisitsisup sulisullu soraarsitsinissamik soraarnissamillu siumut ilisimatitsissutaat allaganngorlugu tunniunneqassaaq.

§ 28 - Piffissaq isumaqatigiissutip atuuffia.

Sumiiffimmi isumaqatigiissut manna atuutilissaaq 1. Juuni 2024.

Isumaqatigiissut illuatungeriinnit tamanit atorunnaarsinneqarsinnaavoq marsip 31-anut qaamma-
tinik pingasunik (3) siumut ilisimatitsererluni, siusinnerpaamilli 31. maaji 2027.

Ilulissat, ulloq 13. februaari 2024

Sulineramik Inuussutissarsiuqartut Kattuffiat

Halibut Greenland ApS

Jess G. Berthelsen

Erik Sivertsen

Kattuffimmi Siulittaasoq

Pisortaq